

陽春縣志卷之十三

事記

大事則書史之例也邑志亦一邑之史也奚爲而編年也事不一端難以類從則歲月以緯之焉耳以言乎古則政治之得失奸宄之消長磯祥之徵應胥於是乎稽焉以言乎今則

蠲租賑貸典至鉅也弭盜安良法至肅也調劑豐歉休養生息之政

湛恩汪濊不可勝書也綜而舉其要其爲嶺南全壤之紀載義不繫斯邑者概從畧焉至於

警教覃敷百蠻馴服古所謂獠獠犵獰蛋頑獠之倫靡不洗心革面進而爲齊民爲良民故不別爲傳而附注於是備前事之徵云爾

陳

陽春縣志

卷之十三

事記

大馬站大同新記承印

永定二年十二月高梁太守馮寶卒海隅擾亂寶妻洗氏懷集部落數州晏然其子僕生九年是歲僕帥酋長入朝詔以僕爲陽春太守大建元年己丑春正月廣州刺史歐陽紇反陽春太守馮僕發兵拒之

陳高宗以紇久在南服頗疑之詔徵爲左衛將軍遂據廣州反陳遣車騎將軍章昭達討之紇召僕至南海將誘與同反僕遣人告其母洗夫人夫人曰我爲忠貞經今兩代不欲因汝輒負國家仍發兵拒境帥百越酋長以迎章昭達及紇伏誅陳封馮僕爲信都侯母洗氏爲石龍郡太夫人其後僕之子盎亦有平廣州功

唐

武德五年漢陽太守馮盎承李靖檄帥所部降以其地爲高羅春白

崖儵林振八州

開元十年秋八月流吏部侍郎姜晦於春州

唐書初上之誅韋氏也王皇后頗與密謀及即位數年色衰愛弛武惠妃有寵陰謀奪嫡之志后心不平時對上有不遜語上愈不悅密與秘書監姜皎謀以后無子廢之皎洩其言嗣滕王嶠后之妹夫也奏之上怒張嘉貞構成其罪云皎妄說休咎杖六十流欽州晦貶春州司馬

六年戊辰春正月春瀧等州獠反命宦官楊思勗討平之

春瀧等州獠陳行範與廣州獠馮麟何遊魯反陷四十餘城行範稱帝乃以思勗為驃騎大將軍發桂州及嶺北近道兵討之破行範於瀧州擒遊魯及麟行範逃雲際盤獠二洞思勗追捕竟生擒

之春瀧悉平獠

粵東有峒獠嶺表溪峒之民也稱山越唐宋以來開拓浸繁自邕州以東廣州以西皆推其雄以為首領藉其民為壯丁具衣山林而居其生為業其隊長版籍不可羈縻者謂之山獠虞復志所謂蠻之荒忽無常者也有海獠岳珂程史云番禺有海獠即居其最豪者蒲姓號曰番人本占城土人因浮海渴風憚於反復乃請於其主願留南方以通往來之貨歲久定居城中屋室侈靡富盛甲一時按此所云春瀧等州之獠蓋峒獠也所云廣瀧即程史所謂海獠也

元和十一年十一月貶董重首為春州質戶

董重質為吳元濟謀主屢破官軍上欲殺之李愬奏先許重以不死乃貶之

咸通九年秋八月貶禮部郎中司馬為春州魏營舊唐書營與右諫議大夫高湘比部郎中楊知至刑部員外郎崔彥勣等並坐同中書門下平章事劉瞻親善為韋保衡所逐瞻貶康州刺史故營等俱坐貶

宋

皇祐二年庚寅十一月廣東轉運判官祖無擇按部至春州

熙寧二年己酉廣東轉運判官周惇頤行部至春州

十年丁巳孟夏廣東轉運副使許彥先按部至春州

乾道九年癸巳太旱

咸淳二年丙寅冬大有年禾有三穗者

元

泰定二年三月饑賑糶有差

至元三年三月辛未安置伯顏於陽春縣

元史伯顏先任中書大丞相黜為河南行省左丞相後有是命

至正二十六年丙午恩州蛋戶何均受殺偽元帥吳元良襲其號仍

據州城及陽春

蛋戶 秦始皇使尉屠睢統五軍監祿殺西甌十城人皆入叢薄中莫肯為秦蛋即叢薄中之遺民耶其人善泗入水輒繡面文身如蛟龍狀行水中三四十

里不遭物害故又曰龍戶婚配以歌相贈答無冠履禮貌不諳文字以舟楫為家捕魚為業或編篷瀕水而居不敢與齊民齒雍正七年特命有司聽其登岸於近水村莊居住與齊民同編甲戶以便

稽查並勸諭開墾荒地力田務本以示一視同仁至意誠從古未有之瞻恩也若夫思患豫防毋使入海而跳梁是在善牧民者

明

洪武元年戊申十一月征南將軍廖永忠擒何均受於白石港戮之

三十一年戊寅西山瑤盤窮腸等作亂指揮王濬等討平之

天順二年戊寅新春瑤叛肇慶知府黃瑜撫而用之

瑜威望素著乃檄瑤酋潘宗德等至府庭諭以禍福加以恩信其

黨畏服誓為報效遂率眾防禦要害流賊屢至輒敗新春一路數

年賴之以安

瑤人 瑤古盤瓠氏種也產於湖廣溪洞間即長沙黔中五溪蠻其後滋蔓數千里南粵在在有之陽春山林深鬱逕路險阻放瑤多來居其人衣冠爛熳

醫跌足言語侏僂刀耕火種以砂仁豆蔻楠木藤漆為利無甚蓄積居處無定出入持弩佩刀老藥矢中之必斃又能涉險峻如履平地兒始能行即燒鐵石烙跟跛使頑木不仁故棘茨不能傷其姓為盤雷鍾苟自相婚姻其配合多以賽神會男女俚語相贈答適意而偶喪葬則作樂歌唱謂之煖喪暇則相聚射虎逐鹿飲酒沉湎擊長鼓舞以爲樂喜讐殺猜忍輕死往往嘯聚肆掠朝服夕

叛不可維以恩信此古昔之務  
俗也今已穢滅存者無幾矣

六年壬午大水

潦水暴漲旬日壞官民房屋溺人畜冲陷田地

成化二年丙戌刺竹實而枯次年大饑

五年己丑西山賊陷陽春城兵備僉事陶魯來援殺賊甚衆餘黨遁去

十五年己亥徭賊寇陽春兵備僉事陶魯擊走之魯率兵至賊驚走追入其阻魯欲乘勝勦滅龐峒等山以里排不結而止

宏治元年戊申正月有蝗冬十一月大雪

八年乙卯六月地震

十五年壬戌徭賊八十餘人入陽春燬縣治劫庫藏總旗徐洪出禦

死之

正德六年丙寅九月大水

時洪水穿山不辨河道摧陷田屋無算太平都蒲沼山及井邊山

頽旗鼓山鳴

七年壬申兵備僉事汪鉉討陽春徭賊敗績

先是徭賊不靖鉉督兵進討以石綠種子為向導種潛與徭通謀

引入深險官軍大創始悟其奸自是不敢言用兵矣

種人種性粗悍露頂跣足花衣

種人鳥言鼻山自耕而食出湖南溪洞後稍入廣西古田等處佃種火討徭蠻招入廣中其種與徭異而桀驁之性則同有田之家頗藉其力以捍徭其後狡然思逞猶之徭人前明汪鉉誤用之而敗其覆轍也今則恩威溥被頑狃皆馴撞人即吾赤子也何異種之可云

八年癸酉春旱既又甚雨歲不穫遍地刺竹花實可食

十年乙亥秋地震刺竹又實

冬白飯坑擔板嶺獠賊梗道殺人知縣黃寬率鄉兵撲滅之

十一年丙子六月大水八月十五日潦漲尤甚並頭蓮產於舊學君子池三並蒂蘭產於尊經閣下一帶三花

十四年己卯恩平賊首蘇萬里陽江賊首馬文廣流劫陽春總督御史楊旦等分道勦平之

萬里文廣合夥數千流劫陽春恩平新興等縣境屯聚蓮塘樂安之間道梗不通總督御史楊旦總領太監王堂總兵撫寧侯朱麟及分巡道某知縣黃寬分道勦之擒斬九百七十餘人俘獲賊屬二百八十四人地方始平

嘉靖二年癸未十一月獠賊掠陽春兵備副使王大用叅政羅僑次第擒獲之

陽江賊首嚴院聚眾侵掠陽春十一月大用統兵追至龐峒擒之

十二月僑兵繼至斬獲甚眾嗣後屢犯屢遁歲無安堵

三年甲申叅政羅僑招復獠目梁烏皮等三百餘家

五年丙戌五月大風拔木十月地震

六年丁亥六月朔陰雨加注初六日颶風大作毀獠居獠賊多溺死者

時白晝晦暝山谷震響凡獠穴銅窩鐵峒蒙村合水夾頭中寮弔澗等村百山一時崩摧獠民三十餘處盡遭淹沒溺死獠賊三百餘人賊首黎廣雄倖免沙石堆積民田爲淤尋丈大木漂浮於江踰年不絕

十二月己未邑火

從西廂營起值西北風延燒西郭民居死者十餘人尋燒八城燬  
民屋延及學宮西齋共百餘家次年十一月西郭復災焚五十餘  
家

七年戊子兵備僉事李香按陽春招諸投徭者復業

徭山藪盜官兵莫敢誰何新興陽江新會頑民先後投徭爲亂者  
二千餘人香至悉招還各復其業民賴以安

十年辛卯陽春徭賊趙林花等攻陷高州提督都御史陶諧總兵官  
咸寧侯仇鸞討平之

賊首趙林花黎廣雄等一千七百餘徒攻陷高州軍門調兵七萬  
以正月十五日分道進勦至四月十五日凱旋巢穴迅掃又實以  
良民千餘家復田賦一百三十九頃九十一畝零

十一年壬辰冬大雪次年大熟

十二年癸巳都御史陶諧總兵官咸寧侯仇鸞討陽春新興德慶諸  
賊平之

先是陽春縣西山雲廉叅峒湖峒坐羅下雙峯塲賊首趙林花唐  
觀政唐朝用盤勝富何總管郭安富與德慶州東山南鄉葵嶺賊  
首鳳二全師安盤僧堂新興王三坑石壁等集賊首盤晚大鄧大  
弟盤世寬皆恃險聚衆剽掠鄉村殺擄男婦攻高州城庫拒殺官  
兵縱橫騷擾已數十年至是諧等調兵分道並進攻搗巢穴一百  
二十五處擒斬三千七百九十九名夥俘獲賊屬三千七百二十  
名口有留石亭記西山銘以紀功績

分藝文

十四年乙未夏五月大雨殺稼斗穀百錢御史戴璟賑活甚衆奏蠲

民租

十五年丙申大旱復饑民食草實餓死甚衆

十六年丁酉大水

三十一年壬子大旱

三十三年甲寅浪賊麥長裾攻破陽春縣知縣謝復生討擒之

長裾及黎汝誠顧本通等劫掠思良等村知縣謝復生躬自督捕奪回男婦五十餘人復立賞約令招主嚴君玉密同瑤人盤光眼計擒長裾解軍門斬之當道各加獎勵焉

三十四年乙卯顧本通仇乃從王三坑劫掠順陽思良等村復生仍請南韶兵備道遣指揮舒煥帥狼達官兵勦散之

三十七年戊午提督都御史王鈞遣官往勦德慶高要陽春等縣賊

首盤永賢等至雲浮大山平之新興紅嶺山四會扶溪山諸賊已平尙有德慶瀧水陽春等州縣連界王三坑鐵場石人背山棗等坪巢盤踞萬山之中巖谷險峻林菁叢密賊首盤永賢劉毋正梁德業等皆稔惡渠魁招集狼徒流毒無已嘉靖癸未丙辰兩次大征官兵失利故久不征勦是年調廣西那地等州狼兵往潮州協勦倭寇同知呂天恩密訪鄉導得各賊踪跡因言狼兵自高要入僅一百餘里自德慶入不滿二百里啣枚疾走一夕可到出其不意賊可成擒軍門行嶺西道會同統督叅將鍾坤秀分所部爲三哨令監督右哨都指揮蔡禎出瀧水江沙田登陸進剿山棗坪五巢中哨都指揮胡有名由肇慶南岸登陸進剿鐵場六巢左哨指揮張機由肇慶南岸登陸勦石人背仍招集鄉夫打手民丁瑤丁獐夫并密飭陽春瀧水高

明等縣於賊出入處集鄉勇藏伏以防奔逃分布周匝乃督率三哨官兵尅期於八月初二日抵巢撲剿賊壘山插竊據險迎鬪官軍奮擊之擒斬七十七名賊奔集雲浮大山又督兵併勢攻之斬獲賊首盤永賢等二十八名其爲伏兵所斬馘者又四百七十名俘獲賊屬及奪回被擄男婦甚夥奏凱而還

四十年辛酉東山西山猺獞又恣延至四十三年旋招旋叛

隆慶元年丁卯夏五月猺賊流劫

三年六月地震城內外搖動

五年辛未九月初六大風拔木揚沙

六年壬申大饑斗穀八十文死者無算城外尤甚邑人賴秋揚捐米煮粥多所存活生員陳五教捐金痊餓殍道無遺屍

萬曆三年乙亥東西二山猺獞復叛四年丙子總督凌雲翼肇慶知府楊棐討平之

時猺獞叛服不常諸縣無籍之從互相盤結如羅旁等處之水路二十四山及獨鶴恩平蓮塘樂安之陸路麻聚時掠商旅不通至是雲翼暨棐率兵平之次年四班師仍立善後兵耕守其地奏陞瀧水縣爲羅定州置東安西寧二縣屬之又立副總兵署於兩山之中設南鄉富霖等所分禦各隘民賴以安

四年丙子析陽春猺田湊立東安縣

總督凌雲翼既平羅旁猺賊立東安縣乃割陽春之雲廉通根北海三洞黎澇鐵峒謝存榕木崗卜沙豐洞黎埔等猺田稅米五百九十四石二斗零七合湊之以爲縣

六年戊寅正月五日大雨雹

九年辛巳夏五月大雨太平都流陷田地無數鸚鵡山裂聲響如雷山下突成一潭其深莫測又一石八面忽如刀割

十五年丁亥八月五日大風敗屋拔樹

二十四年丙申春大饑斗米銀二錢餓殍滿道

三十九年辛亥笏竹花實

四十六年戊午冬十二月大雪

晝下如珠次日下如鵝毛六日至八日乃已父老皆言從來未之見也連歲皆稔

崇正元年戊辰春大旱穀貴

五年壬申夏四月疫

十七年甲申永平營統兵把總嚴祚珪擒賊首崔志相又率四隅練總鄉勇進征白蓮教賊戰於大垠那雄等處勝之

### 國朝

世祖章皇帝順治四年丁亥賑給難民

是年 王帥初定陽春東山西山賊黨大發三月初八日圍陽春城連結各縣無俚子數日聚衆萬餘攻半月城不破值高州回巡兵至大敗之賊黨悉平而城外關廂房屋悉遭摧毀矣

五年戊子春夏間大饑斗米銀五錢民多流亡有以斗米易一子者八年辛卯邑諸生始應鄉試

九年壬辰將以瓚進勦東山獲賊首黎瓊飛瓊雲瓊日等斬之又進剿西山賊敗張七等於黑石岡賊遁

十年癸巳大饑三四月穀價騰貴斗米銀七錢

十一年甲午二月僞安西李定國統象二十餘兵數萬由雷廉至高州三月十七日破陽春搶掠一空進攻新會縣十二月 京師兵至與平靖兩藩合擊敗之定國由陽春逃回廣西

十二年乙未春正月發粟賑難民

十三年丙申蔣以瓚擒西山賊首鴨仔二鴨仔四等

時巡按張某適巡歷至縣斬賊於市

十七年庚子春正月

詔蠲順治十二年至十五年逋賦

改陽江高明遊擊爲春江遊擊

至康熙三年改設參將八年改設副將

聖祖仁皇帝康熙元年壬寅夏

詔免順治十八年以前逋賦

二年癸卯冬十月命屯米全徵本色

順治初罷前明衛所世襲撤軍伍尺籍設管屯官徵收屯糧本折色相半至是全徵本色

三年甲辰東山賊首伍振黃廷選等剽掠鄉村殺擄男婦高廉雷總兵栗養志討平之

自是曹洞茶園瓦盎三處各設一營把總一員統官兵八十名防守恩開各縣流寇遂不敢入據東山揆以安不忘危之道當永設勿廢焉

八年己酉春二月

詔蠲康熙元年至三年逋賦

九年庚戌大有年斗穀錢七文  
十年辛亥大有年斗穀錢六文  
冬十月

詔蠲康熙四年至六年逋賦

十四年乙卯夏高州總兵官祖澤清叛結連廣西偽伯馬雄十一月  
破陽春城大肆搶掠

十七年戊午閏三月 大兵至高州澤清戰敗走廣西

逆兵有竄至陽春七甲八甲者勾引土惡劫掠潭水墟官兵擒倡  
亂者五人誅之地方以靖

十八年己未夏六月頒

聖諭十六條至陽春

二十六年丁卯夏五月

詔免新加雜稅

二十八年歲稔斗粟錢七文

二十九年庚午春正月

詔直省遇 蠲錢糧業戶免七分佃戶免三分

三十四年乙亥冬十二月

詔蠲逋欠

三十六年十丑大旱斗粟銀二錢知縣李敬修煮粥以賑

四十一年壬午冬大雪

四十四年停里役

四十六年丁亥夏

詔免四十三年以前逋賦

冬十月流賊劫潭水旋及上三都至東山鄉勇圍困之官兵隨至殺賊四十餘人數日賊黨解散

五十年辛卯

詔免地丁錢糧并四十八年以前逋賦

五十二年癸巳春正月

詔免地丁錢糧並遞年舊欠編造 盛世滋生冊自五十年編審丁數定為常額續生人丁永不加賦

五十四年乙未十月歲稔

五十五年丙申定各縣丁銀配入地畝徵收

五十六年丁酉流賊李成才殺官兵於潭子岡兩廣總督楊琳命營

將龔□督兵討平之

五十八年己亥流賊梁二伯統衆寇西門外水街邑壯士敖臨領營兵追至西水灣田縛之并殺其軍師大旗等遂移兵進勦西山賊生擒賊首陳冬瓜

世宗憲皇帝雍正元年癸卯六月

詔墾田

各省可墾之田聽民相度地宜自墾自報地方官吏不得有所勒索起科之例水田仍以六年旱田遲以十年開墾多者官議紱由是陽春之民踴躍開荒

大有年

七年己酉

詔蠲雍正四年以前舊糧秋七月豁免匠餉並入地丁額徵八月蠲免次年庚戌地丁錢糧

八年庚戌九月裁陽春樂安驛丞

高宗純皇帝乾隆十年乙丑歲稔

十一年丙寅歲稔

十二年丁卯

詔免地丁錢糧歲大稔

十三年戊辰歲稔

大鎬灣積賊韋秀貞拒捕殺春江左營管隊盤日貴知縣錢逢泰守備周錫討擒之

十八年癸酉四月大水穀不熟知縣葉世度開倉平糶民賴以安

二十二年丁丑四月驟雨水漲南門外溺死十餘人山心寨民舍衝陷知縣姜山損俸賑恤之

二十三年春不雨穀貴知縣姜山開倉平糶復捐俸倡賑城鄉紳士劉世槐楊祖燾等七十四人並捐米接濟董事者生員柯日且容士迷貢生柯爾常監生梁文海

四十三年戊戌穀貴斗米錢四百六十文知縣袁嘉德勸賑潭水墟施粥七日

四十五年庚子蠲免錢糧

五十一年丙午斗米錢四百二十文知縣方元賑粥潭水墟施粥

五十二年戊申穀貴人饑知縣郎煜奎倡題賑濟

五十四年己酉十月歲豐

五十五年庚戌

詔免錢糧

六十年乙卯

詔免五十六七八年逋賦

仁宗睿皇帝嘉慶元年丙辰

詔免錢糧所有應徵火耗銀至次年帶徵

四年己未

詔免乾隆六十年以前積逋

五年庚申歲大稔次年六月復稔

六年辛酉八月大風毀屋拔木刺竹實

七年壬戌七月大風

八年癸亥刺竹實大饑四月斗粟五百六十文知縣彭昭麟倡題施粥潭水墟歲貢生李家翰弟家裕及諸士商捐米賑濟二十餘日全活者衆

二十四年己卯春

詔免二十二年以前逋賦